

## Sura - Bam Takarda Kì-Naan - Salvation Scriptures

Afisus 2:2 Gyet ntiit kì-miní, be wuu mwaan a ndighìn kyagħar diibish mu yil diisi, kì-wuu killing a doo mu mishkagħam mu bal kì-riin dì mo ndighìn kut mo, riin dì nii se mishkagħam nkaa nyem dì mo kwar c`in dyen kì-Naan.

Matiyu 6:10 A yit ku mulki fugha ni j`i. A bam mun ku mu c`in dyen fugha a yil diisi, kaadi moo c`in ndighìn dengnaan si.

Luk 22:42 Wuri sat nee, "Puun fina, katdang ni mak c`in, be a baa kì-daa mu jeel diisi aku pe wan dì, ba a kaadi wan kin ribet si kas, amma see a kaadi aa ribet si."

Joon 16:7-9 Jir kisi, be wan kin sat azeen nwun, nii kogħop ni pe wun ku wan so. Mpeedi katdang ba wan so kas, be ba Ngubam ni wurin nj`i tong ndighìn wun kas. Amma katdang wan so, be wan nlop wuri j`i pe wun dì. 8 Katdang wuri j`i wul, be wurin nkám ngurum dì mo ndighìn yil ni, nkaa ciin manshii kì-shikbish kì-din ndire, kì-tokdiyeel zak. 9 Ba mo manshii kì-shikbish kas, mpeedi ba mo cínzeen nwan kas.

2 Timoti 2:10 Mpeemini, be wan kin gung mbii mo jir, mpee sum kì-nyem dì Naan wuri kì-ten bilip mo, mpeku mo kat bam dì ndighìn Jesu Kristi, kì-diides dì ni so ngaa-ngaa.

Rom 15:20,21 Wan le putughup mpeku wan satpo diiret ni dì ndighìn peedi ba mee gurum kì-kyam sat sum kì-Kristi dì kas. Mpeku taji wan diklu nkaa kuk dì mee gurum kì-ten bwot kas. 21 Mpeedi ni a riran ndighìn takarda kì-Naan nee: "Nyem dì ba mo kì-kyam killing sum firi kas, mon nnaa wuri. Nyem dì ba mo kì-kyam killingpo nkaa wuri kas, mon mman shii kì-ni."

Dak 2:36,37 "Mpeemini, wu yit ku nyem Isreil mo jir, mo man azeen-nzeen nee, Wan kin satpo a nkaa Jesu dì wu pwas wuri si. Amma Naan kì-le wuri dee a Daa, kì-Kristi zak." 37 Kaadi gurum ni mo killingpo miní, be ni biyang putughup furu mmo hakyeng, har mo sat mPita kì-kagħar jeplop ni mo nee, "Dyemnaa mo, mun nc`in a meye?"

Hiburu 4:2 Mpeedi mun kì-killingpo diiret ni, kaadi gyet mo killing si. Amma po dì gyet mo killing ni, ba gyet ni kì-mee kogħop ni pe mo dì kas, mpeedi nyem dì gyet mo killingpo ni, be ba mo lap ni shi cínzeen kas.

Jeremiya 24:7 - Matiyu 22:37 Jesu lap nwuri nee, "A wal nDaa Naan fugha shi putughup fugha jir, kì-shi seen fugha jir, kì-shi pan fugha jir.

Dak 16:14 Mee mat wura dì mbut nyem dì mo killing mun, sum fira a Lidiya dì wura a mat Tayatira, dì wuraa seet kì-fuwaat diiriret mo, kì-wura a mat dì wuraa seyil nNaan zak. Daa Naan wuri wang putughup fira, har wura

Iappo di Pool ki-sat mo.

Matiyu 13:14-16 Po di gyet Aizaya wuri ki-ten sat ni ncaa mo, di nee: 'Nyem diisi mon nkilling har mon nkillingpee, amma ba mon mmanshii ki-ni kas, koo diben. Mon nnaapee har mon nnaa, amma ba mon mmak naa mee mbii kas koo diben. 15 Mpeedi putughup ki-nyem diisi mo ki-dee a diibal, ki-mo dwaghar kom furu mo, ki-mo kup yit furu mo, mpeku taji mo naapee shi yit furu mo kas, ki-taji mo killingpee shi kom furu mo kas. Ki-taji mo manshii ki-mbii mo shi putughup furu mo kas. Mpeku taji mo cighir pe Naan di, mpeku wuri bar mo di kas.' 16 Amma ni bang nwun, mpeedi yit fuu moo naapee, ki-kom fuu moo killingpee zak.

Aizaya 6:9,10 - Dak 28:27 Mpeedi putughup ki-nyem diisi ni mo fii dee kaghatang. Mo ki-dwaghar kom furu mo, ki-mo ki-kup yit furu mo zak. Mpeku taji mo naapee shi yit furu mo, ku taji mo killingpee shi kom furu mo zak, ki-zak, mpeku taji mo manshii ki-ni ndighin putughup furu mo. Ku mo cighir pe wan di, be di wan mbam mo.'

Maak 4:11,12 Jesu wuri sat mmo nee, "Naan cín man nwun, mpeku wu manshii ki-mbii di mo a sisok mu mulki ki-Naan, amma pe nyem di atileng mo, be moo killing mbii diisi mo jir a shi sumpo. 12 Mpeku koo di mo naa, be mon nnaa shi yit dak, amma ba mon nnaashii ki-ni kas. Pe nyem di mo killing, be mon nkilling a shi kom dak, amma ba mon mmanshii ki-ni kas, mpeku taji mo cighir, ku Naan fwo shikbish furu mo di."

Joon 12:39,40 Mpeemini ba mo ki-cínzeen kas." Mpeedi Aizaya wuri waa baa sat zak nee, 40 "Naan wuri ki-vum yit furu mo, wuri ki-shaghat pan ki-putughup furu mo, mpeku taji mo naapee shi yit furu mo kas, koo mo manshii ki-mbii shi pan ki-putughup furu mo kas, har di mon ncighir j'i pe wan di, mpeku wan bar mo di."

Rom 11:7,8 Diisi ni arang mmiini ye? Mbii di nyem Yahudi moo tang ni, be ba mo kat kas, amma nyem di Naan wuri ki-ten bilip mo, mo kat. Amma kaghar ni mo dee a nyemciishik mo. Mpeemini be ba mo man zeen kas. 8 Ni a kaadí mo ki-ran ndighin takarda ki-Naan si nee: "Naan wuri le mo dee a kaa nyem di mon nsaam si. Har cicinsi be ba mo naa mee mbii kas, ki-zak, ba mo killing mee mbii kas."

2 Tasoloni 2:10,11 Wurin nc'in dak ki-koo mbii diibish diidang ye, mpeku wuri num nyem di mon nlaghram di. Nyem diisi mo dee a diilaghram mpeedi jí mo kwar cínzeen, ki-mo kwar wal nzeen. Mpeemini, be ba mo kat bam kas. 11 Aasi be, Naan cighir ki-pan furu mo, mpeku mo cínzeen di a mbii di ni a dung bejee dak.

Matiyu 13:18-23 "Wu killing shii ki-sumpo ncaa ngubwot cirem si. 19 Koo ngo diidang ye di wuri killingpo ncaa mulki ki-Naan, dang ba wuri manshii

kì-ni kas, be gwar mìnì a kaa cirem dì mo tákka ncaa ar si. Ngo diibish wuri j`i toghot cirem dì mo kop ni ndighìn putughup kì-ngo ni kilak. 20 Cirem dì mo tákka kwaghap si, mo a kaa ngo dì wuri killingpo kì-Naan, be wuri lap ni shi retnyit kilak-kilak. 21 Amma ba po ni sham seen ndighìn putughup firi kas, ki-ba ni teer vul ndighìn wuri kas. Katdang mee luk yaghah, koo gurum mo cínjeel nwuri mpee po Naan, be a abet wurin mbaa abwoon. 22 Cirem dì mo taa mbüt nhìr si mo a kaa ngo dì wuri killingpo Naan ni, be pan ki-mbii mo, ki-kyagħar mu long dìi mu yil diisi mo vwen po ni, har ba mo làa-làa kas. 23 Amma cirem dì mo bwot ncaa mmaar diiret ni a kaa ngo dì wuri killingpo Naan ni, be wuri manshii ni, har wuri làa-làa azeen-nzeen, pak mo làa-làa har dari, ki-pak mo har laarpeemee ki-pak mo laarkun."

2 Korinti 3:15,16 Azeen-nzeen har cicinsi, katdang mo doghom tang Waar mu Mosis ni mo, be fuwaat diisi, nii paa putughup furu mo dì vit. 16 Amma katdang mee gurum cighiżżeż pe Daa dì, be abet, mo mang fuwaat ni baa ki-ni aku pe ngo ni dì.

Hosiya 11:3-7 - Matiyu 11:28-30 Wu j`i pe wan dì jir, wun nyem dì wuu c`in dak, ki-lee nii toghon nwun zak, be wan ncín nookdì nwun. 29 Wu del mbüt dak fina, ku wu kám shiimwaan fina dì, mpeedì wan a ngusham ki-káa fina, ki-wan kin tap c`in mbii mo a mbüt dyen. Katdang wu del mbüt dak fina, be wun nkät nookdì mpee seen fuu mo. 30 Mpeedì ba dak fina ni luk kas, ki-lée fina ni a diifiyeel zak."

Dak 26:18 Mpeku a wang yit furu mo dì. Ku mo yit peenkoo, ku mo del dì ndighìn peebang. Ki-mpeku mo put dì mbüt bal mu Shetan. Ku mo j`i dì pe Naan zak. Mpeku katdang mo cínzeen, be mon nkät fwo kì-shikbish furu mo, ki-mon nkät peetong dì ashak ki-nyem dì Naan wuri kì-ten bilip mo zak."

2 Timoti 2:24-26 Ba ni ret ku kirom kì-Daa dee a ngucín jighiż kas, amma ni ret ku wuri bam gurum mo jir, ngukám diiret, dì wurii gung ki-gurum mo jir. 25 Ndighìn pudok, be wuri kar nyem beetshik mo. Meebe, Naan wurin ncighiż ki-mo, ku mo tuwap, mpeku mo man zeen ni dì. 26 Mpeku mo put dì ki-káa furu aku mbüt cip mu Shetan, dì wuri kì-yak mo ku mo c`in dyen firi dì.

Sughun 3:17-19 Wugha sat nee, wugha ki-long, ki-wugha ki-mbii dì aa ribet mo jir! Amma ba wugha man nee, wugha a ngujeel, dì ni ret ku gurum mo naa wugha ki-yit mu bam kas. Wugha a kaa nyemvum mo si. Wugha a kaa nyemjeel dì moo mwaan ngum si. 18 Wan kin satpo nwugha nee, a seet zinariya pe wan dì, zinariya diiret, mpeku a dee dì a ngulong. A seet lée diipyiaa mo pe wan dì, mpeku a paa sak fugha ni dì. A j`i a seet yen mu yit zak, mpeku a le dì nyit fugha mo, mpeku a naapee dì. 19

Nyem dī wan kin wal mmo, a mo a nyem dī wan kin gwak mo. Wan kin cín kar mmo, mpeku mo kám seen dī. Mpeemini, a yaghala azeen-nzeen, mpeku a tuwap dī.

2 Korinti 7:10 Mpeedi kiyet kì-putughup dīiuwat dī a Naan le, nii j`i ki-tuwap, ki-nii j`i ki-kat bam zak. Ba nii le ku gurum mak sat nee, "katdang dīn man oo!" kas. Amma putughup dīiuwat mu yil dīisi, mīnii ki-j`i aa muut.

1 Mishkaghām 18:37 - Naan turned heart back to Naan.

2 Korinti 4:4 Ba mo cínzeen kas, a mpeedi mishkaghām dīibish mu yil dīisi wuri kì-paa yit furu mo, mpeku taji mo naa peebang mu po dīiret mu Kristi kas, dī wuri a dīimindong kì-Naan.

Luk 8:11-15 "A shii kì-sumpo ni ndīisi, cirem ni a po kì-Naan. 12 Cirem dī mo taa nkaa ar si, mo a kaa nyem dī moo kīlīngpo kì-Naan ni, be Shetan wuri j`i hīr ni put kīni aku ndīghīn putughup furu mo, mpeku taji mo cínzeen, ku mo kat bam dī kas. 13 Cirem dī mo taa nkaa kwaghap si, mo a kaa nyem dī moo kīlīngpo Naan ni, be mo lap ni shi retnyit, amma ba moo mee peedī po nin nsham seen dī kas. Cínzeen kì-mo ni a mpee shiiteer mo kong bejee dak. Katdang be kyam j`i, be mo cighīr pal baa shibwoon kīlak-kīlak. 14 Cirem dī mo taa mbut nhīr sí, mo a kaa nyem dī moo kīlīngpo Naan ni, dangbe jwaan kī-shang mu mbii dī mu yil dīisi mo, koo a tang long, kī-se, kī-shwaa mu seen dīiyaksi, mo tīreng mo, har ni le ku ba moo c`in dak dīiret mo kas. 15 Cirem dī mo taa nkaa yil dīiret sí, mo a kaa nyem dī mo kīlīngpo kì-Naan ni, be mo lap ni dyel shi gung putughup mindong, har mo c`in dak dīiret mo."

Dak 15:11 Waash! Mu cínzeen nee, a mpee dīiret kì-Daa funu Jesu, dangbe mu kat bam, kaadī mo kat bam ni si zak."

Rom 8:13 Katdang wu mwaan a ndīghīn kyagħar mu mīse mu gurum, be wunn mmurap. Amma katdang wun mwaan a ndīghīn bal mu Riin kì-Naan, be wu le ku dak dīibish mu mīse mu gurum ni muut, dangbe wun nkat seen.

Pastor T. John Franklin  
Church of Salvation, Healing, and Deliverance  
COS-HAD.org